

Vnd den arlügen<sup>4</sup> her vs vntz an galmister mark<sup>5</sup>, vnd daz wasser/genant der samûnn<sup>2</sup>. hin ab vntz in die yll, vnd als och die schneschaliffina (!) gand, vnd daz selb wasser genant. der samûnn<sup>2</sup>, enhalb vnd dishalb dem wasser, vngefärlich,, das selb tal vnd och den wald / mit gründ mit grät mit steg mit weg mit holtz mit veld, mit stok mit stain mit wasen mit zwi mit wunn mit waid, mit wasser mit wasserflussen dartzû mit allen rechten nützzen / vnd gewonhaiten vnd mit aller zu gehörd, haben wir Inen vnd allen iren nachkomen recht redlich vnd aigenlich ze kouffent geben für ledig aigen, ains stäten ewigen koufs, vmb hundert guldin güter vnd / och genämer guldin an gold vnd an wäg, der wir gentzlich von Inen gewert sint näh vnserm willen, Vnd sond sû vnd all ir nähkomen, daz selb tal den wald vnd och dz holtz, mit aller zû gehörd / als vor ist beschaiden, brüchen vnd niessen, vnd daz besetzen. vnd entsetzen, wie in füklich vnd nötdürftig ist an geverd, doch haben wir vns selber vnd vnsern erben In disem kouf usgenomen, den / wiltban dz vederspil vnd och die vischentz vngefärlich, Vnd doch Inen vnd iren nähkomen, an iren rechten vnd an dem holtz vnschädlich an geverd, wir habint och In disem kouf bedinget vnd och / vsgenomen, dz dû genossami der lût vnd dû kirchôri ze frastez<sup>6</sup>, bi iren gewonhaiten vnd bi iren gemainden beliben sond, die gemaind in selber ze niesent vnd ze brüchent vngefärlich, wir vnd vnser / erben vnd nähkomen, Sond och der bürger vnd der statt ze veltkirch vnd aller ir erben vnd nähkomen, güt vnd getrûw wern sin nah recht, Vmb dz obgenant tal den wald vnd vmb dz holtz mit aller / zûgehörd, vnd vmb disen ewigen kouff, als vor ist beschaiden wâ vnd wie sû dez iemer bedurfent oder nötdürftig werdent ez sig an gaitlichem oder an weltlichem gericht mit güten trûwen an geverd / Wir habint och Inen vnd iren nähkomen, disen kouf getân gevertget vnd volfürnt, mit willen vnd gûnst vnser lieben ôhems, gräff hainrichß von werdenberg von s anegãns<sup>7</sup>, vnd mit allen sachen als ez wol craft / hât vnd hân sol vnd vest vnd stât beliben sol nû vnd hie nah, Dirr ding aller ze wârem vrkünd vnd gantzer stäter sicherhait, Geben wir obgenanter Gräff Rûdolf von Montfort<sup>1</sup>, Den vorgeantem dem / amman dem räut den burgern vnd der statt gemainlich ze veltkirch, vnd allen iren erben vnd nähkomen disen brief besigeltent für vns vnd für all vnser erben vnd nähkomen, mit vnserm aigenen angehenkten Insigel / Wir egenanter Gräff hainrich von Wer-